




Հաստատված է
ԳՊՀ գիտական խորհրդի
2025թ. օգոստոսի 30-ի թիվ 1 նիստում

Ռեկտոր՝  Ռ. Հակոբյան
«30» օգոստոսի 2025թ.

**ԳԱՎԱՐՈՒ ՊԵՏԱԿԱՆ ՀԱՄԱԼՍԱՐԱՆԻ ԲԱԿԱԼԱՎՐԻԱՏԻ ՈՒՍԱՆՈՂՆԵՐԻ
ԻՆՔՆՈՒՐՈՒՅՆ ՀԵՏԱԶՈՏԱԿԱՆ ԱՇԽԱՏԱՆՔԻ
ԿԱԶՄԱԿԵՐՊՄԱՆ ԵՎ ԿԱՏԱՐՄԱՆ ԿԱՐԳ**

I. ԸՆԴՀԱՆՈՒՐ ԴՐՈՒՅԹՆԵՐ

1. Սույն կարգով սահմանվում են Գավառի պետական համալսարանի (այսուհետ՝ ԳՊՀ, Համալսարան) բակալավրի կրթական ծրագրով սովորող ուսանողների ինքնուրույն հետազոտական աշխատանքի (այսուհետ՝ ինքնուրույն աշխատանք) կազմակերպման և կատարման պահանջներն ու ձևերը:
2. Սույն կարգը բխում է ԳՊՀ զարգացման ռազմավարական ծրագրից և համապատասխանում է «Գավառի պետական համալսարանի առկա ուսուցման համակարգում բակալավրի և մագիստրոսի կրթական աստիճաններում կրեդիտային համակարգով ուսումնական գործընթացի կազմակերպման և ուսանողների գիտելիքների գնահատման կարգ»-ին, «Գավառի պետական համալսարանում գիտահետազոտական գործունեության իրականացման միասնական հայեցակարգ»-ին:
3. Ինքնուրույն աշխատանքը սովորողների ուսումնական, հետազոտական աշխատանքն է, որը պարտադիր է բակալավրիատի յուրաքանչյուր ուսանողի համար և իրականացվում է ուսումնական պլանով սահմանված արտալսարանային ժամանաքանակի հաշվին՝ դասախոսի առաջադրանքով:
4. Ինքնուրույն աշխատանքի ձևերը, ծավալները և բովանդակությունը որոշվում են համապատասխան մասնագիտական ամբիոններում՝ համաձայն ուսումնական պլանների ու դասընթացի առանձնահատկությունների, և արտահայտվում դասընթացի ուսումնամեթոդական փաստաթղթերում:
5. Սույն կարգը ընդունվում և փոփոխվում է ԳՊՀ գիտական խորհրդի որոշմամբ:

II. ԻՆՔՆՈՒՐՈՒՅՆ ԱՇԽԱՏԱՆՔԻ ԿԱՏԱՐԱՄԱՆ ՆՊԱՏԱԿՆԵՐԸ ԵՎ ԽՆԴԻՐՆԵՐԸ

2.1. Ինքնուրույն աշխատանքի կատարման նպատակները.

1. ուսանողների մոտ խթանել և զարգացնել իմացական, տրամաբանական, որոնողական, վերլուծական և ստեղծագործական կարողությունները, ինքնուրույն հետազոտական գործունեության հմտությունները,
2. ապահովել տեսական գիտելիքների գործնական կիրառումը՝ խթանելով ուսանողների մոտ մասնագիտական իրավիճակային խնդիրների լուծման կարողությունների ձևավորումը,
3. նպաստել մրցունակ մասնագետների պատրաստմանը, նրանց հետազոտական ներուժի բացահայտմանը:

2.2. Ինքնուրույն աշխատանքի կատարման խնդիրները.

1. ուսանողների վերլուծական և հետազոտական կարողությունների **ձևավորում**՝ ուսանողներին հնարավորություն ընձեռել ինքնուրույն ընտրել և ուսումնասիրել գիտական աղբյուրներ, ուսումնասիրվող նյութում տարբերակել հիմնականն ու երկրորդականը, ձևակերպել հետազոտության նպատակները և մշակել դրանց իրականացման ուղիները,
2. **սովորողների կողմից հետազոտական աշխատանքում տեղեկատվական տեխնոլոգիաների կիրառման հմտությունների զարգացում**՝ ապահովել ուսանողների կարողությունների զարգացումը մասնագիտական գրականության վերլուծության և համակարգման, գիտական զեկուցումների, ռեֆերատների, կուրսային և ավարտական աշխատանքների պատրաստման, այդ գործընթացներում տեղեկատվական տեխնոլոգիաների, արդի թվային գործիքների արդյունավետ կիրառման ոլորտներում,
3. **մասնագիտական ինքնուրույնության և ստեղծագործական մոտեցման խթանում**՝ խրախուսել ուսանողների նախաձեռնողականությունը՝ գիտական հոգվածների և հետազոտական աշխատանքների պատրաստման, ուսանողական գիտական ընկերությունների գիտաժողովներին մասնակցության միջոցով, ապահովելով ստացված արդյունքների գործնական կիրառումը,
4. **մասնագիտական որակների շարունակական զարգացում**՝ նպաստել ուսանողների մասնագիտական պատասխանատվության և էթիկայի ձևավորմանը, ինքնակատարելագործմանը և շարունակական կրթության պահանջի ձևավորմանը,
5. **հետազոտական միջավայրին ինտեգրում**՝ ապահովել ուսանողների ակտիվ ներգրավումը ԳՊՀ գիտահետազոտական միջավայրին՝ ստեղծելով պայմաններ հետազոտական հմտությունների զարգացման, թիմային

աշխատանքի փորձի ձեռքբերման, գիտական հաղորդակցման մշակույթի ձևավորման համար:

III. ԻՆՔՆՈՒՐՈՒՅՆ ԱՇԽԱՏԱՆՔԻ ՁԵՎԵՐԸ

1. Համալսարանի ուսանողների ինքնուրույն աշխատանքն իրականացվում է դասախոսների առաջադրանքով և մեթոդական ղեկավարությամբ՝ առանց նրանց անմիջական վերահսկողության: Այն ներառում է ուսուցողական, հետազոտական բնույթի առաջադրանքներ:

2. **Ինքնուրույն աշխատանքի հիմնական ձևերն են.**

1) **մասնագիտական գրականության ուսումնասիրություն, տվյալների վերլուծություն և ամփոփում՝** դասընթացի ծրագրով նախատեսված աղբյուրների, դասագրքերի, մենագրությունների, մասնագիտական ամսագրերի, օրենսդրական ու նորմատիվ իրավական ակտերի ուսումնասիրություն, համեմատական վերլուծություն,

2) **նախագծային աշխատանքներ՝** զեկուցումների, ելույթների պատրաստում, բանավեճերի ու քննարկումների համար նյութերի մշակում, նախագծերի կազմում,

3) **հետազոտական աշխատանքներ՝** ռեֆերատների, էսսեների, զեկուցումների և գիտական հոդվածների պատրաստում և ներկայացում, մասնակցություն գիտաժողովներին,

4) **թարգմանություններ և աղբյուրագիտական աշխատանքներ՝** օտար լեզուներից մասնագիտական գրականության թարգմանություններ, սկզբնաղբյուրների հավաքագրում, ուսումնասիրություն, մշակում և վերլուծություն,

5) **իրավիճակային խնդիրների լուծում՝** դասընթացի առարկայական ծրագրերով նախատեսված ստեղծագործական կամ կիրառական բնույթի իրավիճակային առաջադրանքների կատարում,

6) **համակարգչային և թղթային տարբերակներով թեստերի լուծում,**

7) **ելենելով դասընթացի բնույթից և առանձնահատկություններից՝ կարող են կիրառվել նաև ուսանողների ինքնուրույն աշխատանքների այլ ձևեր:**

IV. ԻՆՔՆՈՒՐՈՒՅՆ ԱՇԽԱՏԱՆՔԻ ՊԼԱՆԱՎՈՐՈՒՄԸ, ԳՆԱՀԱՏՈՒՄԸ

Համալսարանում ուսանողների ինքնուրույն աշխատանքի պլանավորումն իրականացվում է հետևյալ ընթացակարգերով.

1. **Ժամանակի հաշվարկ՝** յուրաքանչյուր ուսանողի ինքնուրույն աշխատանքն իրականացվում է համապատասխան դասընթացի արտալսարանային ժամաքանակի հաշվին՝ առնվազն 4 ժամ Համալսարանում, որն արտահայտվում է դասացուցակում,

2. կազմակերպում՝

1) **դեկանատը** վերահսկում է ինքնուրույն աշխատանքի ընդհանուր պլանավորումը և իրականացման ընթացքը,

2) **ամբիոնը** հաստատում է դասընթացների առարկայական ծրագրերը, որոնցում սահմանվում են ինքնուրույն աշխատանքի ձևերը և ծավալները,

3) դասախոսը՝

ա/ մշակում է ինքնուրույն աշխատանքի թեմաները, առաջադրանքները, տրամադրում մեթոդական նյութեր և իրականացնում խորհրդատվություն և աշխատանքի արդյունքների գնահատում,

բ/ ինքնուրույն աշխատանքի պլանավորման ընթացքում ապահովում է ժամանակակից տեղեկատվական տեխնոլոգիաների և թվային գործիքների ներգրավում՝ ուսանողների համար հետազոտական գործընթացն առավել մատչելի և արդյունավետ դարձնելու նպատակով,

3. արդյունքների վերահսկում և գնահատում՝ ինքնուրույն աշխատանքի արդյունքները գնահատվում են՝ համաձայն «Գավառի պետական համալսարանի առկա ուսուցման համակարգում բակալավրի և մագիստրոսի կրթական աստիճաններում կրեդիտային համակարգով ուսումնական գործընթացի կազմակերպման և ուսանողների գիտելիքների գնահատման կարգ»-ի՝ ստուգարքային և քննական տեղեկագրերի միջոցով՝ կիրառելով բազմագործոնային 100 միավորանոց գնահատման համակարգ, որտեղ ինքնուրույն աշխատանքի համար քննության դեպքում հատկացվում է 20 միավոր, ստուգարքի դեպքում՝ 40 միավոր:

V. ԻՆՔՆՈՒՐՈՒՅՆ ԱՇԽԱՏԱՆՔԻ ԿԱՌՈՒՑՎԱԾՔԸ

1. Համալսարանում ուսանողների ինքնուրույն աշխատանքը կազմակերպվում է փուլերով, որոնք ապահովում են ուսումնառության և հետազոտական գործընթացի համակարգված ու փոխկապակցված ընթացքը:

2. Ինքնուրույն աշխատանքի կառուցվածքը սահմանվում է տվյալ դասընթացի առարկայական ծրագրում՝ ըստ դասընթացի առանձնահատկությունների, և կարող է ներառել հետևյալը.

1) **թեմայի ընտրություն և նպատակների սահմանում՝** ուսանողը ընտրում է ինքնուրույն աշխատանքի թեման և իր համար հստակեցնում ինքնուրույն աշխատանքի նպատակներն ու խնդիրները,

2) **առաջադրանքների ձևակերպում՝** դասախոսը ձևակերպում է հստակ առաջադրանքներ, որոնք ուսանողը պետք է կատարի ինքնուրույն աշխատանքի ընթացքում,

3) **ինքնուրույն աշխատանքի կառուցվածքի ձևավորում՝** հավաքված նյութը համակարգվում է և ներկայացվում ըստ բաժինների և ենթաբաժինների,

մշակվում է աշխատանքային պլան, որը ներառում է ներածություն, հիմնական մաս, եզրակացություն և օգտագործված գրականության ցանկ,

4) ինքնուրույն աշխատանքի գրավոր կատարում՝ նյութը ձևակերպվում է ակադեմիական պահանջներին համապատասխան՝ տպագիր A4 ձևաչափի թղթի վրա՝ անհրաժեշտության դեպքում ներառելով աղյուսակներ, գրաֆիկներ և այլ հավելվածներ,

5) վերլուծություն և եզրակացություն՝ կատարվում է տվյալների վերլուծություն, համեմատություն, ընդհանրացում, փաստարկում և վերջնական եզրակացությունների ձևավորում:

VI. ԻՆՔՆՈՒՐՈՒՅՆ ԱՇԽԱՏԱՆՔԻ ՊԱՀՊԱՆՈՒՄԸ ԵՎ ԱՐԽԻՎԱՑՈՒՄԸ

1. Համալսարանում ուսանողի ինքնուրույն աշխատանքները պահպանվում են մասնագիտական կրթական ծրագիրն իրականացնող ամբիոնում մինչև ուսումնական տարվա ավարտը, այնուհետև դրանք կարող են մարվել:
2. Ամբիոնում պահվող ինքնուրույն աշխատանքները պետք է հասանելի լինեն ինքնավերլուծություն և ինքնագնահատում, ինչպես նաև որակի արտաքին ստուգում իրականացնող հանձնաժողովների անդամների, փորձագետների համար՝ գործընթացի գնահատման և բարելավման նպատակով: